



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE FERIZAJ
OSNOVNI SUD FERIZAJ – BASIC COURT OF FERIZAJ

C.nr.799/16

GJYKATA THEMELORE NË FERIZAJ, Departamenti i Përgjithshëm-Divizioni Civil, me gjyqtarin Ardian Ajvazi dhe bashkëpunëtoren profesionale Ilirjana Hashani, në çështjen juridike sipas padisë së paditësit [REDACTED] nga fshati [REDACTED]-Ferizaj, kundër të paditurës Komuna e Ferizajt, Drejtoria e Arsimit, lidhur me kompensimin e pagave pas pensionimit, vlera e objektit të kontestit 2,754.54 Euro, me datë 07.02.2019 merr këtë:

AKTGJYKIM

APROVOHET në tërësi kërkesëpadia e paditësit [REDACTED] nga fshati [REDACTED]-Ferizaj dhe DETYROHET e paditura Komuna e Ferizajt, Drejtoria e Arsimit që në emër të kompenzimit të tri pagave jubilarë dhe tri pagave pas pensionimit t'ia paguaj paditësit shumën e tërësishme prej 2,754.54 Euro, me kamat prej 8% nga dita e nxjerrjes së këtij Aktgjykimi, të gjitha në afat prej 7 ditësh pas pranimit të të njëjtit nën kërcënimin e përmbarimit të detyrueshëm.

Arsyetimi

Paditësi me datë 10.11.2011, ka parashtuar padi, kundër të paditurës, lidhur kompensimin e tri pagave jubilarë dhe tri pagave pas pensionimit.

Paditësi në padi dhe seancë deklaroi: me rastin e pensionimit e paditura nuk i ka respektuar disopozitata e kontratës kolektive të datës 22.03.2014, e cila ka hyrë në fuqi me datë 11.04.2014, në të cilën theksohet se me 30 vite e më tepër përvoj pune të punësuarit në arsim i

takojn tri paga jubilarë dhe tri paga përcjellëse në pension në shumën e tërësishme prej 2,754.54 Euro.

I autorizuari i të paditurës në përgjigje në padi dhe seancën e mbajtur ka kontestuar në tërësi kërkesëpadinë e paditësit. E drejta e paditësit është parashkruar, sepse nuk janë realizuar konform dispozitave të ligjit të punës dhe LMD-së. Shuma e kërkesëpadisë sa i përket kompensimit të tri pagave jubilarë pas pensionimit nuk ka përputhshmëri të të dhënave faktike. I propozoj Gjykatës ta refuzon në tërësi kërkesëpadinë e paditësit.

Gjykata me qëllim të vërtetimit të drejtë të gjendjes së fakteve të çështjes, për aq sa palët ndërgjygjëse përmbushin detyrimin e tyre për t'i parashtruar ato, në kuptim të nenit 7.1 të LPK-së, ka administruar një sër provash: përgjigja e datës 18.10.2016, me anë të së cilës vërtetohet fakti se e paditura ka theksuar se nuk ka fonde për pagesën e pagave pas pensionimit; Vendimi i datës 18.10.2016, me anë të së cilit paditësit është njohur pensioni kontributëdhënës; vërtetimi i datës 26.10.2016; përgjigja e datës 14.06.2017 dhe lista e pagave për tre muajt e fundit pas pensionit.

Gjykata pas vlerësimit të pohimeve të palëve dhe provave të lartë cekura, në kuptim të nenit 8 të LPK-së, me kujdes dhe me ndërgjegje ka çmuar çdo provë veç e veç dhe të gjitha ato së bashku dhe ka gjetur se kërkesëpadia e paditësit është e bazuar.

Nga provat e elaboruar më lartë përkatësisht listën e pagave Gjykata vërtetoi këtë gjendje faktike: se paditësi ka përvojë të punës 43 vite dhe se i takon e drejta në realizimin e tri pagave jubilarë në vlerë me mesataren e tri pagave të fundit para pensionit në shumën prej 1,377.27 Euro si dhe tri pagave përcjellëse pas pensionimit në shumën prej 1,377.27 Euro. Paditësi ka realizuar pagë mujore në mujt e fundit para pensionimit në shumën prej 459.09 Euro.

Në bazë të Kontratës Kolektive të vitit 2014 paditësi realizon pas pensionimit tri paga përcjellëse në shumën e përgjithshme të tri pagave të fundit e që është shuma prej 1,377.27 Euro ($459.09 \times 3 = 1,377.27$ Euro). Në bazë të listës së pagave Gjykata vërtetoi se paditësi ka përvojë të punës si mësimëdhënës 43 vjet, për këtë arsye i takojnë edhe tri paga jubilarë pas pensionimit në shumën prej 1,377.27 Euro.

Sipas nenit 36.9 Kontratës Kolektive e Arsimit Parauniversitar të datës 11.04.2014, paditësit i takojnë tri pagë jubilarë për arsye se në ditën e daljes në pension me datë 04.10.2016 ka përvojë pune 43 vjet, ndërsa sipas nenit të cituar më lartë për çdo 10 vite përvoj pune punëtorët e arsimit që dalin në pension përfitojnë shpërblim jubilar në vlerë prej një page bazë, e në rastin konkret paditësit i takojn tri paga pas pensionimit. Paga bazë është llogaritur në shumën prej 459.09 Euro.



Pagat e shërbyesve civile, sektorit të arsimit, i shëndetësisë etj, financohen nga buxheti i Republikës së Kosovës dhe Komuna e Ferizajt-Drejtoria Komunale e Arsimit është organizatë buxhetore e nivelit lokal. Kontrata Kolektive e lidhur ndërmjet SBASHK dhe Ministrisë së Arsimit dhe Teknologjisë (Qeveria e Republikës së Kosovës) prodhon efekt juridike nga data e lidhjes së saj 11.04.2014 dhe e paditura si organizat buxhetore e nivelit lokal është e detyruar t'ia paguaj paditësit shumat si në dispozitivin e këtij Aktgjykimi. Komuna e Ferizajt ka buxhetin e saj, i cili përbëhet nga të hyrave vetanake; granteve nga Qeveria e Republikës së Kosovës; donacioneve dhe të hyrave të tjera, neni 24 i Ligjit për Vetëqeverisjen Lokale.

Gjykata sa i përket kamatës është bazuar në nenet 378 dhe 382.1 të LMD-së.

Nga faktet e treguara në padinë e paditësit si dhe nga provat dhe shkresat që gjenden në lëndë, rezulton si e bazuar kërkesëpadia e paditësit. Gjykata vërtetoi se janë plotësuar të gjitha kushtet ligjore për të vendosur si në dispozitiv të këtij Aktgjykimi, e duke u bazuar në nenet 143 të Ligjit për Procedurën Kontestimore.

GJYKATA THEMELORE NE FERIZAJ

C.nr.799/16, me datë 07.02.2019



KËSHILLA JURIDIKE: Kundër këtij Aktgjykimi është e lejuar ankesa në afat prej 7 ditësh, pas pranimit të kopjes së tij, në Gjykatën e Apelit të Kosovës në Prishtinë, e të dorëzohet përmes kësaj Gjykate.

REPUBLIKA E KOSOVËS REPUBLIKA KOSOVA

VENDIMI ËSHTË I PLOTFUQISHËM
ODLUKA JE PRAVNOSNAZNA
GJYKATA THEMELORE / OSNOVNI SUD
FERIZAJ II UROŠEVAC

Me
Dana

